



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

29. Dies Januarii. In via Dei timore incipitur, u ad fortitudinem veniatur.
Gregor. in Med.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

tot hostibus resistere, imò vincere, ne aliàs succumbas & occumbas. An quòd plura sint, quæ pelliciunt lenocinia ad peccandum? Falleris, plura sunt, & efficaciora ad virtutem invitamenta. Si mundus hortatur, Deus vetat: si natura inclinatur, gratia compescit: si dæmones suggerunt, Angeli inspirant. An quòd malis hîc benè sit? O vesania! amare momentaneam prosperitatem, & non timere calamitatum æternitatem! An quòd speres in sera ac decrepita senectute, spatium pœnitentiæ, quia Deus multos expectavit diu, ut parceret semel? O insensate! non est promissa vita, sed oblata venia. O ingrate! abuteris gratiâ Dei, & misericordia? Cave: justus est Deus, & quia justus, non injustè aget, si non indulerit veniam, quando ad illum venies, & quando converti volueris, cùm nolis, modò dum te invitat. Erit forsitan, quando ob seram pœnitentiam, seriò pœnitens, tibi occines illud, post cladem Cannensem Hannibalis, *Cùm potui, nolui, cùm volui, non potui.* Idcirco

*Esse bonus propera, nunquam nimium properabis,
Qui non est hodie, cras minus aptus erit.*

29. DIES JANVARI.

In via Dei timore incipitur, ut ad fortitudinem veniatur. *Gregor. in Med.*

Conversio I.
inchoanda
timore
Dei.

Pœnitendo quod feceris pœnitenda, nunc stas in via arcta, quæ ducit ad vitam. Qui te in via, ne aberres, præcedat dux, sic

Timor:

Timor: hic te manuducet ad Amorem. Timere debes, quia fecisti multa timenda. Debes timere, quia peccasti, quia potes peccare, & quia (quod vix dubium) peccabis. Certum est, te peccasse, incertum, an peccatum sit remissum. Quis non paveat, & caveat, qui in lubrico sua ipsa infirmitate vacillans, nutans, titubans, à multis præterea, & validis toto impetu concuteretur adversariis ad casum, & ex casu ad precipitium? Subjice tibi rem oculis, expende omnia, & explora animum miserandi illius hominis, qui sic staret. Inquire, quid de se sentiat, quid de suo statu, de sua securitate, de suo periculo; an sibi vigilet, sibi attendat, sibi à seipso caveat, à loco, ab hostibus, & aliis, quæ illum circumdant, pericula? Audi tua pericula ex S. Eusebio Emiseno: (a) *Tanti laquei objecti sunt ante pedes anime nostræ, tam innumeri hostes observant, & custodiunt iter nostrum: tanta fovea, & tanta prærupta, tanta rerum difficultates interjacent inter nos, & finem nostrum: via ipsa, quæ per se arcta, & ardua est, tantis spiritualium latronum insidiis obsidetur: tantos scopulos, tantosque fluctus nos transire, necesse est, & putamus nos de præteritis debere esse securos?*

II. Summa est felicitas timere Deum, hoc est nihil timere præter illum, cujus timor, securitas est. Multa nos torquent, priusquam debent, quædam plusquam debeant, alia quæ non debent, alia cum non debent: & hoc ob varios timores, sed quod gignit natura, non gratia. Terrent nos plura, quæ noxia non sunt, nisi quia metuimus, aliàs minime metuenda. Timor anticipat misérias, ut statim sit misericors, qui futurus aliquando est. Auferendi sunt omnes illi timores, sed ita, ut is solus relinquatur,

(a) *Ad Monac. Hom.*

qui, quoniam legitimus est, ac verus, solus verè efficit, ut possint cætera omnia non timeri. Neque enim solum periculorum asylum, sed timorum, est timor Dei. Nam qui timet Deum, nec timenda, nec timorem patitur: supra pericula est, & extra metus. At qui Deum non timet, ipsa non timenda timet, nec fugit timor, sed fingit. Pœna non timentium Deum, est multa, imò omnia timere. Nulla mala aufert timor mundi, imò ipse est malus. Hæc autè est gloria timoris Dei, omnia aufert mala, confert bona, & ipse optimus. Culpas impedit, pœnas tollit, pericula propulsat, timores delet, virtutes inserit, bonorum omnium choragus est. Ille ergò solus timeatur, qui solus offensus potest inferre timenda illis, qui non timent.

III. Time sine illum, cujus oculus omnia videt?

Cujus manus omnia potest? Cujus præsentiam nemo potest evadere? Cujus Potentiæ nemo resistere? Cujus Sapientiam nemo fallere? Cujus offensa, malorum summa est? Cujus judicium, æquitas est? Cujus vindicta, damnatio est? Time, si polleas gratia, ne amittas, time, postquam amiseris, ne pereas. Time à dextris, quia prosperitas animum nimis attollit; time à sinistris, quia adversitas nimis dejicit. Time præterita, propter tot, quæ parasti scelera; time præsentia, propter tanta, quibus exponeris, pericula, time futura, propter tot atrociam, quæ te manent supplicia. Mutus ille barbari Regis filius, cum Parenti structas videret insidias, jamque vertici crudelem imminere ferri aciem, indignatus se naturæ obligari vinculis, atque retineri, vim omnem, & contentionem exprompsit, & mox elatâ voce exclamavit: CAVE. Quo prodigio parricidæ audaciam coercuit,
& Pa-

80 *Christiani Militis* , Januar.
& Patrem servavit. Occine tibi centies per horam,
sexcenties per diem, CAVE. Stes licet in ipso Sancti-
tatis fastigio, cave; proximus es præcipitio. Sis præ-
ditus tantâ gratiâ, quantâ qui summâ Joannes Bap-
tista, cave; homo es, ceciderunt multi virtute sum-
mi, potes cadere. Cùm dormis, cùm vigilas, cùm
oras, cùm legis, cùm prandes, cùm cœnas, cùm am-
bulas, cùm quiescis, omni loco, omni tempore, pav-
& cave, quia ubique tenebræ, foveæ, insidiæ, certa
mina, pericula. Vanus est omnis metus, nisi illum
metuas, quem metuunt omnes, & omnia: Siquiden
Sapè facit metui non metuenda metus.

30. DIES JANVARI.

Displicet in pulchro corpore non solùm
morbus, sed nævus. *S. Bernard. Epi*
249.

I. **T**Imor Dei castus reddit hominem no-
solùm cautum, ut sit sine morbo, se
castum sine nævo. Docet enim minime
delicta, quæ ob facilitatem obtinendæ
veniæ, vocantur venialia, maximi faciendæ. Hæc mi-
nima ut maximè timeas, illa quæ sequuntur, expen-
das. Non potest nec lingua hominis exprimere, ne-
mens Angeli concipere mala, quæ gignit in animo
minimus animi nævus. Hoc enim tantillum malum
puta verbum otiosum ex negligentia prolatum, majus
est malum omnibus malis naturæ. Sicut si alter utrum
daretur eligendum, expediret potius in corpore pal-
omnes omnium hominum morbos, membrorum
mu